

Es Loch es Loch es Loch es Loch es Loch e huffe Löcher
es Loch es Loch es Loch es Loch jä Löcher noch ond nöcher
es Loch es Loch es Loch es Loch eis för de Busch eis för de Gore
ond well `me ned weiss wer vore lit zellt`me nomol vo vore

Cash ond wer wird Milionär ond wesi alli heisse
s`esch gspenne wes em Fernseh fang met Gäld düend omeschmeisse
ond wend meinsch es chönn nömm schlemmer cho oh herjemine
jo denn chonnt de Verwaltigsrot vo de SBB

Händ er euch äscho überleit wo das werd aneführe
wenn mer e de Schwyz ennerorts Tämpo 30 lhführe
denn schleche mer de dor d`Dörfer dor met em Auto wie befohle
ond reged is uf well ständig eus Lüt met Trotinet überhohle

Woni chörzlech met mim Hond zo sim Stammbaum be gloffe
do hani sone vornehme Snob os de Brogger Altstadt atrofte
de luegt zersch mech a den min Hond ond den de Baum die Eiche
ond seit mer z`Brogg mer händ halt Chlötz wo d`Hönd chönn aneseich

Em Big Brother Containerhus send d`Regle so konzipiert
das me alli 2 Woche det öpper nominiert
ond die Person wo esch nominiert die chame zom Hus us rühre
jo s`glich Prinzip wot`me z`Umike bem Pfarrhus au iführe

Die Rächte demonstriere of em Rütli die Lenge z`Zöri onds Davos
d`Purre demonstriere vor em Coop ond mache e chlieses Chaos
mer demonstriere akut gäge d`Starchstromleitig wänd si en Bode ie platziere
jetz fehlt nor no das de Mächler Othmar gäg d`Pangسیونierig wörd demonstriere

We gseit de Mächler Othmar wird pangسیونiert Koller ond Achermaa träte zrogg
de Stüürvogt esch of Umike zöglet do hetter nöcher hei of Brogg
Hunn ond Darioli wärded en Grossrot gwählt för me esch das en klaare
jo wiso müemer den met de Stüüre ue wenn Gmei e sovel Lohn cha spaare

Ich als Riniker fends überschämt ond ich tues tief bedüüre
das eusi jetze 4% uegönd met de Stüüre
also guet wenn die eus Riniker wänd zo arme Sieche zöchte
jo denne gets för me nor eis ich werde Asylant ond flöchte

Du ich ha mer überleit met mim Chopf ond met mim Ranze
wiso me jetz ganz Rinike muess met Natelantenne verpflanze
well set em Tannegg Ombou do jo so tuets mer schiene
hämmer doch e nagelneui Telefonkabiene

Er möged secher euch no erennere das hetis jo tief bewägt
wo sinerzyt de Storm Lothar über eusi Schwyz esch gfägt
ond chum escher z`Rinike dore gsi rüeft eine wie versässe
hey Lothar cher no einisch om du hesch de Mammutbaum vergässe

Ond schoweder chonn de letschti Bank er wössed was ich meine
aber zahled mer höchstens 1 oder 2 sosch seit de Wert weder hesch ächli eine
ond osserdem wenn er mer zvell gratis Getränk ischänke
chas si das sie mech de met mim Ballon no zom Lauper ufe hänke

Es Loch es Loch es Loch es Loch es Loch e huffe Löcher
es Loch es Loch es Loch es Loch jä Löcher noch ond nöcher
es Loch es Loch es Loch es Loch es Loch die arme Lüt
ond wenn si noni gstorbe send zelleds z`Amerika no höt

Der Komedi₀₁

Wänd er me bsueche? Ich be dehei onder „www.komedi.ch“

400 Johr alt esch s`Märkihus han ich em gäle Blatt erfahre
debi wär vor em Ombou det no fasch de Bagger anegfahre
das Gmei ned sinerzyt het de Hersche kauft das duet mer höt no stenke
well den chöntisch jetze det Dänisches Bier go trenke